

НА СТИХОВНЕ ГЛАС 2:

Велие и преславное чудо соверши́ся днёсь:/ Дева
раждает, и утроба не истлева́ет,/ Сло́во воплоща-
ется и Отца не отлуча́ется,/ Ангели с пастырьми
сла́вят,/ и мы с н́ими вопи́ем:// слава в Вышних Богу, и
на землі мир.

Глас 3:

Стих: Из чрева прежде денницы родих Тя:/ клятсѧ
Господь и не раскается.

Днесь раждает Дева Творца всех,/ Едем приносит
вертеп,/ и звезда показывает Христа солнца сущим во
тьме;/ с дары волсви поклонишася,/ верою просве-
щаеми,/ и пастырие видеша чудо,/ Ангелом воспе-
вающим и глаголющим:// слава в Вышних Богу.

Стих: Рече Господь Господеви моему:/ седи одесную
Мене..

Господу Иисусу рождшуся в Вифлееме Иудейстем,/
от восток пришедше, волсви/ поклонишася Богу воче-
ловечшуся/ и, сокровища своя усердно отверзше,/
дары честныя приношаху:/ искушено злато, яко Царю
веков;/ и ливан, яко Богу всех;/ яко тридневному же
мертвецу, смирну Безсмертному./ Всеи языцы, при-
идите, поклонимся рождшемуся// спасти души наша.

СЛАВА, ГЛАС 4:

Веселися, Иерусали́ме,/ торжествуйте, вси, лю-
 бящи Си́она:/ днёсь вре́менный разрешися союз
 осуждения Ада́мова./ Рай нам отве́рзися./ Змий уп-
 разднися, юже бо прельсти пёрвее,/ ныне узре Соде-
 телеву бывшу Ма́терь./ О, глубина́ богатства, и пре-
 мудрости, и разума Бо́жия/ Яже исходатаивши
 смерть всей плоти, грехо́вный сосу́д/ спасения начало
 бысть миру всему Богородицы ра́ди./ Младенец бо
 раждается из Нея, Всесоверше́нный Бо́г,/ и Рожде-
 вом девство печа́тствует,/ пленицы греховныя разре-
 шаяй пелена́ми,/ и младенства ради Евины врачует
 яже в печалех болéзни;/ да ликовству́ет убо вся тварь
 и да игра́ет,/ обновити бо ю при́де Христо́с// и спасти
 души на́ша.

И НЫНЕ:

Ввертеп вселился еси, Христе Бо́же,/ ясли Тя вос-
 при́яша,/ па́стырие же и волсви поклони́шася./
 Тогда убо пророческая исполнися про́поведь,/ и Ан-
 гельския силы дивля́хуся,/ вопи́юще и глаго́люще://
 слава схождению Твоему, Едине Человеколю́бче.

Ныне отпускаеши.

Чтец: Трисвятое. Пресвятая Троице... Отче наш...

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь.